


928
木
1

鮑氏集





鮑氏集十卷

四部叢刊集部

上海涵芬樓套版景
印毛斧季校宋本原
書版匡高營造尺六
寸寬四寸五分

宗本每幅廿行每
行十六字小字不等

凡一行為一

凡半幅畫為一

鮑照集序



散騎侍郎虞炎奉敕撰

鮑照字明遠本上黨人家世貧賤少有文思

宋臨川王愛其才以為國侍郎王薨始興王

濬又引為侍郎孝武初除海虞令遷太學博

士兼中書舍人一本云時主多忌以文自高

述不復盡出為秣陵令又轉永嘉令火明五

年除前軍行參軍侍臨海王鎮荊州掌知內

命尋遷前軍刑獄參軍事宋明帝初江外拒

命及義嘉敗荆土震擾江陵人宋景因亂掠

守本鮑氏集卷第一
即接連去

城為景所殺時年五十餘身既遇難篇章無遺流遷人間者往往見在儲皇博採群言遊好文藝片辭隻韻罔不收集照所賦述雖乏精典而有超麗爰命陪趨備加研訪年代稍遠零落者多今所存者儻能半焉

鮑氏集序

此行接前

目錄空五格後同

鮑氏集卷第一

□□□□

舞鶴賦

蕪城賦

芙蓉賦

游思賦

飛蛾賦

□□□□

舞鶴賦



題空四格後同

散幽經以驗物偉胎化之仙禽鍾浮曠之藻質抱清迥之明心指蓬壺而翻翰望崑閬而揚音匝日域以迴鶻窮天步而高尋踐神區

其既遠積靈祀而方多精含丹而星耀頂凝
紫而煙華引圓吭之纖婉頓脩趾之鴻媵疊
霜毛而弄影振玉羽而臨霞朝戲於芝田夕
飲乎瑤池厭江海而游澤掩雲羅而見羈去
帝鄉之岑寂歸人寰之喧卑歲崢嶸而催暮
心惆悵而哀離於是窮陰殺節急景凋年涼
沙振野箕風動天嚴嚴苦霧皎皎悲泉冰塞
長河雪滿群山既而零昏夜歇景物澄廓星
翻漢回曉月將落感寒鷄之早晨憐霜鴈之
違漠臨驚風之蕭條對流光之照灼啖青響

於丹墀舞容飛於金閣始連軒以鳳踏終宛
轉而龍躍躑躅徘徊振迅騰摧驚身蓬集矯
翅雪飛離網別赴合渚相依將與中止若往
而歸颺杳矜顧遷延遲暮逸翻後塵翺翥先
路指會規翔臨岐矩步態有遺妍貌無停趣
奔機逗節角睐分形長揚一作楊翹緩鶩並翼連
聲輕迹凌亂浮影交橫衆變繁姿參差洊密
煙交霧凝若無毛質風去雨還不可談悉既
散魂而盪目迷不知其所之忽星離而雲罷
整神容而自持仰天居之崇絕更惆悵而驚

致宗薛檀故亦本書九字
諱去無紀嫌名也繁字
形長仍作九字形而
一點與九字不同

思當是時也燕姬色沮巴僮心恥巾拂兩停
九劔雙止雖邯鄲其敢倫豈陽阿之能擬入
衛國而乘軒出吳都而傾市守馴養於千齡
結長悲於萬里

蕪城賦 登廣陵城作

瀾池平原南馳蒼梧漲海北走紫塞鴈門拖
以漕渠軸以崑崗重關複江之奧四會五達
之莊當昔全盛之時車掛轆人駕肩屨閑撲
地歌吹沸天孳貨鹽田鏟利銅山才力雄富
士馬精妍故能侈秦法佚周令劃崇墉剡濬

殷宗本諱筆

洫圖修世以休命是以板築雉堞之殷井幹
烽櫓之勤格高五嶽袤廣三墳崒若斷岸矗
似長雲製磁石以禦衝糊頰壤以飛文觀基
扃之固護將萬祀而一君出入三代五百餘
載竟瓜割而豆分澤葵依井荒葛冒途壇羅
虺蜮階鬪麇鼯木魅山鬼野鼠城狐風嗥雨
嘯昏見晨趨饑鷹礪吻寒鷗嚇雛伏暴藏虎
乳血餐膚崩榛塞路崢嶸古植白楊早落塞
草前衰稜稜霜氣藪藪風威孤蓬自振驚沙
坐飛灌莽杳而無際叢薄紛其相依通池既

已夷峻隅又已頽直視千里外唯見起黃埃
凝思寂聽心傷已摧若夫藻局黼帳歌堂舞
閣之基璇淵碧樹弋林釣渚之館吳蔡齊秦
之聲魚龍爵馬之玩皆薰歇燼滅光沉響絕
東都妙姬南國佳人蕙心紈質玉貌絳唇莫
不埋魂幽石委骨窮塵豈憶同輦之愉樂離
宮之苦辛哉天道如何吞恨者多抽琴命操
爲蕪城之歌歌曰邊風起兮城上寒井徑滅
兮丘隴殘千齡兮萬代共盡兮何言

芙蓉賦

感衣裳於楚賦詠憂思於陳詩訪群英之艷
絕標高名於澤芝會春陂乎夕張舉芙蓉而
水嬉抽我衿之桂蘭點子吻之瑜辭選群芳
之微號抱茲性之清芬稟若華之驚絕單蓋
陽之妙手測澆池之光紫爍彤輝之明媚粲
雕霞之繁悅顧椒丘而非偶豈園桃而能埒
彪炳以積藻翠景而紅波青房兮規接紫的
兮圓羅樹妖遙之弱幹散菡萏之輕荷上星
光而倒影下龍鱗而隱波戲錦鱗而夕映曜
繡羽以晨過結游童之湘吹起榜妾之江歌

備日月之溫麗非盛明而謂何若乃當融風
之暄盪承暑雨之平渥被瑤塘之周流繞金
渠之屈曲排積霧而揚芬鏡洞泉而含綠葉
折水以爲珠條集露而成玉潤蓬山之瓊膏
輝葱河之銀燭冠五華於仙草超四照於靈
木雜衆姿於開卷閱群貌於昏明無長袖之
容止信不笑之空城森紫葉以上擢紛湘蘂
而不傾根雖割而瑄徹柯既解而絲縈感盛
衰之可懷質始終而常清故其爲芳也綢繆
其爲媚也奔發對粧則色姝比蘭則香越泛

明綵於宵波飛澄華於曉月陋荆姬之朱顏
笑夏女之光髮恨狎世而貽賤徒愛存而賞
沒雖凌群以擅奇終從歲而零歇

遊思賦

雲徑兮海衝上潮兮送風秋水兮駕浦涼煙
兮冒江暮氣起兮遠岸黑陽精滅兮天際紅
波汙汙兮無底山森森兮萬重平隰兮巨岸
通川兮瀉壑仰盡兮天經俯窮兮地絡望波
際兮曇曇眺雲間兮灼灼乃江南之斷山信
海上之飛鶴指煙霞而問鄉窺林嶼而訪泊

撫身事而識苦念親愛而知樂苦與樂其何
言悼人生之長役捨堂宇之密親坐江潭而
為客對蒹葭之遂黃視零露之方白鴻晨驚
以響湍泉夜下而鳴石結中洲之雲蘿託綿
思於遙夕瞻荆吳之遠山望邯鄲之長陌塞
風馳兮邊草飛胡沙起兮鴈揚翻雖燕越之
異心在禽鳥而同戚悵收情而投淚遣繁悲
而自抑此日中其幾時彼月滿而將蝕生無
患於不老奚引憂以自逼物因節以卷舒道
與運而升息賤賣卜以當壚隱我耕而子織

誠愛秦王之奇勇不願絕筋而稱力已矣哉
使豫章生而可知夫何異乎叢棘

飛蛾賦

仙鼠伺闇飛蛾候明均靈舛化詭欲齊生觀
齊生而欲詭各會住以憑方陵焦煙之浮景
赴熙燄之明光枝身幽草下畢命在此堂本
輕死以邀得雖糜爛其何傷豈學山南之文
豹避雲霧而巖藏



鮑氏集卷第一

鮑氏集卷第二

目錄空五格

題目空四格

□□□□

尺蠖賦

觀漏賦

野鵝賦

傷遊賦

園葵賦

□□□□

尺蠖賦

智哉尺蠖觀機而作申非向厚屈非向薄當
靜泉亭遇躁風驚起軒軀以曠跨伏累氣而
併形冰炭弗觸鋒刃歷迂逢嶮感躋值夷舒



步忌好退之見猜哀必進而為蠹每驤首以
瞰途常佇景而翻露故身不豫託地無前期
動靜必觀於物消息各隨乎時從方而應何
慮何思是以軍筭慕其權國容擬其變高賢
圖之以隱淪智士以之而蔽見笑靈蛇之久
蟄羞龍德之方戰理害道而為尤事傷生而
感賤苟見義而守勇豈專取於弦箭

觀漏賦并序

客有觀於漏者退而歎曰夫及遠者箭也而
定遠非箭之功為生者我也而制生非我之

情故自箭而為心不可憑者絃因生以觀我
不可恃者馬憑其不可恃故以悲哉況乎沉
華密遠輕波潛耗而感神嬰慮者又自外而
傷壽以是思生生亦勤矣乃為賦云

佩流歎於驗年纓華思於奔月結蘭苔以望
楚弄參差以歌越撫疑肌於遷滯鑑雕容於
髮鬢景有墜而易昏憂無方而難歇歷玫瑰階
而升隩訪金壺之盈闕觀騰波之吞寫視驚
箭之登沒箭既沒而復登波長瀉而弗歸注
沉穴而海漏射懸塗而電飛墮戶牖而知天

魚集卷二
掩雲霧而測暉創百齡於織隱積千里於空
微彼崢嶸而行溢此冉冉而逾衰撫寸心而
未改指分光而未違昔傷矢之奔禽聞虛弦
之顛仆徒嬰刃而知懼豈潛機之能覺惟生
經之霍靡亦悲長而懼促橫證古而秉心抱
空意其如玉波沉沉而東注日滔滔而西屬
落繁馨於織草殞豐華於喬木對具離而後
歌據窮蹊而方哭雖接薪之更傳寧絕明之
還續貫古今而并念信寡易而多難時不留
乎激矢生乃急於走丸既河源之莫壅又吹

波而助瀾神怵迫而多慮心轆轤而歎歡望
天涯而佇念擢雄劍而長歎嗟生民之永迷
躬與後而皆恤死零落而無二生差池之非
一理幽分於化前筭寘定於天秩與艾骨而
招病猶割腸而興疾情殊用而俱盡事離方
而同失聊弭志以高歌順煙雨而沉逸於是
隨秋鴻而汎渚逐春鷺而登梁進賦詩而展
念退陳酒以排傷物不可以兩大得無得而
雙昌薰晚華而後落槿早秀而前亡姑屏憂
以愉思樂茲情於寸光從江河之紆直委天

地之回方漏盈兮漏虛長無絕兮芬芳

野鵝賦并序

有獻野鵝於臨川王世子愍其樊繫命爲之賦其辭曰

集陳之隼以自遠而稱神栖漢之雀乃出幽而見珍此瓊禽其何取亦廁景而承仁捨水澤之驩逸對鍾鼓之悲辛豈徇利而輕命將感受而投身入長羅之逼脅恨高繳之樊繫邈辭朋而別偶超煙鷲而風行跨日月而遙逝忽瞻國而望城踐菲迹於瑤塗昇弱羽於

丹庭震東西之繡戶眺左右之金肩貌纖殺

而含

念一作

悴心翻越而懸驚若墜而墮谷况

不知其所寧惟君囿之珍麗實妙物之所殷

翔海澤之輕鷗巢天宿之鳴鶉鵠程材於梟

猛翬薦體之雕文既敷容以照景亦選翮以

排雲雖居物以成偶終在我以非群望征霓

而延悼顧委翼而自傷無青雀之銜命之赤

鴈之嘉祥空穢君之園池徒慙君之稻梁願

引身而剪迹抱末志而幽藏於是流歲遂遠

慘節方崇雲纏海岱風拂嶠潼飛雲一作馳

霰飄沙舞蓬視清池之初涸望綠林之始空
立菰蒲之寒渚託隻影而爲雙宛拔塚而掩
背悲結悵而滿曾處朝晝而雖念假外見而
遷排涉修夜之長寂信專思而知哀風稍稍
而過樹月蒼蒼而照臺冰依岸而早結霜託
草而先摧斂雙翮於水裔翹孤趾於林隈情
無方而雨集事有限而星乖在俄頃而猶悼
矧窮生之所懷聞宿世之高賢澤無微而不
均育草木而明義愛禽鳥而昭仁全殞卵而
來鳳放乳麇而感麟雖陋生於萬物若沙漠
之一塵苟全軀而畢命庶魂報以自申

傷逝賦

晨登南山望美中阿露團秋槿風卷寒蘿悽
愴傷心悲如之何盡若窮煙離若剪絃如影
滅地猶星殞天棄華宇於明世閉金扃於下
泉永山河以自畢眇千齡而弗旋思一言於
向時邈衆代於古年逝稍遠而變體浸幽明
而改時覽篇迹之如旦婉遺意而在茲忽若
謂其不然自惆悵而驚疑循堂廡而下降歷
幃戶而升基服委襟而褫帶器蒙管而韜絲

志存業而遺績身先物而長辭豈重歡而可
覲追前感之無期寒往暑來而不窮哀極樂
反而有終燧已遷而禮革月既逾而慶通心
微微而就遠跡離離而絕容白日藹而回陰
閨館寂而深重冀憑靈於前物佇美目乎房
櫳徒望思以未久邈歸來其何從結單心於
暮條掩行淚於晨風念沉悼而誰劇獨嬰哀
於逝躬草忌霜而逼秋人惡老而逼衰誠衰
耄之可忌或甘願而志違彼一息之短景乃
累恨之長暉尋平生之好醜成黃塵之是非
將滅耶而尚在何有去而無歸惟桃李之零
落生有促而非天觀龜鵠之千祀年能富而
情少反靈質於二塗亂感悅於雙抱日月飄
而不留命倏忽而誰保譬明隙之在梁如風
露之停草髮迎憂而送華貌先悴而收藻共
甘苦其幾人曾無得而偕老拂埃琴而抽思
啓陳書而遐討自古來而有之夫何怨乎天
道

園葵賦

風暖凌開土冒泉動游塵曝日鳴雉依隴主

人拂黃冠拭藜杖布蔬種平圻壤通畔修直
膏畝夷敞白莖紫帶豚耳鴨掌溝東陌西行
三畦兩旣區旣鉏乃露乃映勾萌欲伸藜牙
將散爾乃晨露夕陰霏雲四季沉雷遠震飛
雨輕灑徐未及晞疾而不靡柔草爰秀剛甲
以解稚葉萍布弱陰覽抽萋萋翼翼沃沃油
油下葳蕤而被逕上參差而覆疇承朝陽之
麗景得傾柯之所投仕非魯相有不拔之利
賓惟二仲無逸馬之憂顧董荼而莫偶豈蘋
藻之薦羞若乃鄰老談稼女嫗歸桑拂此葦

席炊彼稌梁甃壺接醢曲瓢卷漿乃羹乃淪
堆鼎盈筐甘旨舊脆柔滑芬芳消淋逐水潤
胃調腸於是旣飫徹盤投筋回小人之腹為
君子之慮近觀物運遠訪師聖聲數後彰律
理前定烏非黔黑鶴豈浴淨彼圓行而方止
固行之於天性伊冬筵而夏裘無雙功而並
盛盪然任心樂道安命春風夕來秋日一作秋月
長映獨酌南軒擁琴孤聽篇章間作以歌以
詠魚深沉而鳥高飛孰知美色之為正

鮑氏集卷第二



鮑氏集卷第二

鮑氏集卷第三



代東武吟

一本已下並無代字

代出自薊北門行

代結客少年場行

代東門行

代苦熱行

代白頭吟

代蒿里行

代放歌行

代昇天行

代別鶴操

代雉朝飛

代淮南王二首

代空城雀

代鳴鴈行

代夜坐吟

代北風涼行

代春日行

代少壯時至衰老行

代陽春登荆山行荆一作京

代朗月行

代堂上歌

代貧賤愁苦行

代邊居行

代門有車馬客行

代悲哉行

代權歌行

代邽街行一本作去邪行

代陳思王白馬篇

代陳思王京洛篇

代陸平原君子有所思行

代白紵曲二首

代白紵舞歌詞四首

春始興王命作并啓

代東武吟

主人且勿誼。賤子歌一言。僕本寒鄉士。出身蒙漢恩。始隨張校尉。召募到河源。後逐李輕車。追虜出塞垣。密塗亘萬里。寧歲猶七奔。肌力盡鞍甲。心思歷涼溫。將軍既下世。部曲亦罕存。時事一朝異。孤績績一作憤誰復論。少壯辭家去。窮老還人門。腰鎌刈葵藿。倚杖牧鷄豚。

昔如韞上鷹。今似檻中猿。徒結千載恨。空負百年怨。棄席思君幄。疲馬戀君軒。願垂晉主惠。不媿田子魂。

代出自薊北門行

羽檄起邊亭。烽火入咸陽。徵師屯廣武。分兵救朔方。嚴秋筋竿勁。虜陣精且彊。天子按劍怒。使者遙相望。鴈行緣石徑。魚貫渡飛梁。簫鼓流漢思。旌甲被胡霜。疾風衝塞起。沙礫自飄揚。馬毛縮如蝟。角弓不可張。時危見臣節。世亂識忠良。投軀報明主。身死為國殤。

文選

文選

文選

代結客少年場行

駉馬金絡頭。錦帶佩吳鉤。失意杯酒間。白刃起相讎。追兵一旦至。負劍遠行游。去鄉三十載。復得還舊丘。昇高臨四關。表裏望皇州。九塗平若水。雙闕似雲浮。扶宮羅將相。夾道列王侯。日中市朝滿。車馬若川流。擊鍾陳鼎食。方駕自相求。今我獨何為。埽壤懷百憂。

代東門行

傷禽惡弦驚。驚一作驚倦客惡離聲。離聲斷客情。賓御背涕零。涕零心斷絕。將去復還訣。一息

不相知。何況異鄉別。遙遙征駕遠。杳杳白日。晚居人掩閨。卧行子夜中。飯野風吹秋。木行子心腸。斷食梅常苦。酸衣葛常苦。寒絲竹徒滿。坐憂人不解。頽長歌欲自慰。彌起長恨端。

代苦熱行

赤坂橫西阻。火山赫南威。身熱頭且痛。鳥墜魂來歸。湯泉發雲潭。焦煙起石圻。一作日月有恒昏雨露。未嘗晞丹蛇。踰百尺。玄蜂盈十圍。含沙射流影。吹蠱病行暉。瘴氣晝薰體。草露夜霑衣。饑援莫下食。晨禽不敢飛。毒涇尚

多死渡瀘寧具腓生軀蹈死地曷志登柁機
戈船榮旣薄伏波賞亦微爵輕君尚惜士重
安可希

代白頭吟

直如朱絲繩清如玉壺冰何慙宿昔意猜恨
坐相仍人情賤恩舊世議逐衰興毫髮一為
瑕丘山不可勝食苗實碩鼠一作白信蒼
蠅鳧鵠遠成美薪芻前見陵申黜褒女進斑
去趙姬昇周王日淪惑漢帝益嗟稱心賞猶
難恃貌恭豈易憑古來共如此非君獨撫膺

代蒿里行

同盡無貴賤殊願有窮申馳波催永夜零露
逼結晨短我幽山駕去此滿堂親虛容遺劔
佩實貌戢衣巾斗酒安可酌尺書誰復陳年
代稍推遠懷抱日幽淪人生良自劇天道與
何人齋我長恨意歸為狐兔塵

代放歌行

蓼蟲避葵藿習苦不言排小人自齷齪安知
曠士懷鷄鳴洛城裏禁門平旦開冠蓋縱橫
至車騎四方來素帶曳長纓華纓結遠埃日

中安能止。鍾鳴猶未歸。夷世不可逢。賢君信
愛才。明慮自天斷。不受外嫌猜。一言分珪爵。
片善辭草萊。豈伊白璧賜。將起黃金臺。今君
有何疾。臨路獨遲迴。

代昇天行

家世宅關輔。勝帶官王城。備聞十帝事。委曲
兩都情。倦見物興衰。驟覩俗屯平。翩翩若回
掌。恍惚似朝榮。窮途悔短計。晚志重長生。從
師入遠嶽。結友事仙靈。五圖發金記。九籀隱
丹經。風餐委松宿。雲卧恣天行。冠霞登綵閣。

代別鶴操 互行

解玉飲椒庭。覽遊越萬里。少別數千齡。鳳臺
無還駕。簫管有遺聲。何時與汝曹。啄腐共吞
腥。

代別鶴操

雙鶴俱起時。徘徊滄海間。長弄若天漢。輕軀
似雲懸。幽客時結侶。提攜遊三山。青繳凌瑤
臺。丹羅籠紫煙。海上悲風急。三山多雲霧。散
亂一相失。驚孤不得住。緬然日月馳。遠矣絕
音儀。有願而不遂。無怨以生離。鹿鳴隱深草。
蟬鳴隱高枝。心自有所存。旁人那得知。

代雉朝飛

雉朝飛振羽翼專場。校兩一本下。恃疆力。煤
已驚。翳又逼黃間。蟻。噉。虛。矢。直。列。繡。頸。碎。錦。
臆。絕。命。君。前。無。怨。色。握。君。手。執。杯。酒。意。氣。相。
傾。死。何。有。

代淮南王二首

淮南王好長生。服食練氣。讀仙經。琉璃。律。椀。
牙作盤。金鼎玉七合。神丹神谷。神丹戲紫房。
紫房綵女弄明璫。鸞歌鳳舞。斷君腸。朱城九
門。九閨願逐明月入。君懷入君懷。結君佩。
怨君恨。君恃君愛。築城思。堅劍。思。利。同。盛。同。

宋本第一首恰當末
畫故每空處時本頁
馬作首大約首數
茶亂多生此病

衰莫相棄

代空城雀

雀乳四散。空城之阿。朝食野粟。夕飲冰河。高
飛。畏。鳩。鳶。下。飛。畏。網。羅。辛。傷。伊。何。言。休。迫。良
已。多。誠。不。及。青。鳥。遠。食。玉。山。木。猶。勝。吳。宮。鸞。
無罪得焚窠。賊命有厚薄。長歎欲如何。

代鳴鴈行

嗚嗚鳴鴈。始旦齊行。命侶入雲。漢中夜相
失。群離亂。留連徘徊。不忍散。憔悴容儀。君不
知。辛苦風霜。亦何為。

代夜坐吟

冬夜沉沉夜坐吟。含聲未發已知心。霜入幕
風度林。朱燈滅。朱顏尋體君。歌逐君音不貴
聲貴意深。

代北風涼行

北風涼。雨雪雱。京洛女兒多嚴粧。遙豔帷中
自悲傷。沉吟不語若有忘。問君得行何當歸。
苦使妾坐自傷悲。慮年至。慮顏衰。情易遠。恨
難追。

代春日行

獻歲發。吾將行。春山茂。春日明。園中鳥多嘉
聲。梅始發。桃始青。汎舟艦。齊櫂驚。奏採菱歌。
鹿鳴。風微起。波微生。絃亦發。酒亦傾。入蓮池。
折桂枝。芳神動。芬葉披。兩相思。兩不知。

代少年時至衰老行

憶昔少年時。馳逐好名晨。結友多貴門。出入
富兒鄰。綺羅艷華風。車馬自揚塵。歌唱青琴
女。彈箏燕趙人。好酒多芳氣。餽味厭時新。今
日每相念。此事邈無因。寄語後生子。作樂當
及春。

代陽春登荆山行荆一作京

旦登荆山頭。崎嶇道難游。早行犯霜露。苔滑不可留。極眺入雲表。窮目盡帝州。方都列萬室。層城帶高樓。奕奕朱軒馳。紛紛高衣流。日氛映山浦。暄霧逐風收。花木亂平原。桑柘盈一作平疇。攀條弄紫莖。藉露折芳柔。遇物雖成趣。念者不解憂。且共傾春酒。長歌登山丘。

代朗月行

朗月出東山。照我綺窓前。窓中多佳人。被服妖且妍。靚粧坐帳裏。當戶弄清絃。鬢奪衛女

朗月本諱

迅。體絕飛燕先。為君歌一曲。當作朗月篇。酒至顏自解。聲和心亦宣。千金何足重。所存意氣間。

代堂上歌行

四坐且莫誼。聽我堂上歌。昔仕京洛時。高門臨長河。出入重宮裏。結友曹與何。車馬相馳逐。賓朋好容華。陽春孟春月。朝光散流霞。輕步逐芳風。言笑弄丹葩。暉暉朱顏醜。紛紛織女梭。滿堂皆美人。自我對湘娥。雖謝侍君閑。明粧帶綺羅。箏笛更彈吹。高唱好相和。萬曲

門有車馬客問客何鄉士捷步往相說果得
代門有車馬客行

遇樂便作樂莫使候朝光
滿目何關慨予傷不如一畝中高會挹清漿
此錐刀忙不憶貧賤時富貴輒相忘紛紛徒
楊盛年日月盡一去萬恨長悠悠世中人爭
何落落丘隴無復行邊地無高木蕭蕭多白
茅屋摧山崗不覩車馬迹但見麋鹿場長松
少年遠京一作荆陽遙遙萬里方陋巷絕人徑

代邊居行

窮百年不如還芑空
事未見一獲運把津塗塞遂轉死溝洫以此
已赤或以一金恨便成百年隙心為千條計
年忘日時黯類就人惜俄頃不相酬惡怪面
絕朋知斷三益空庭慙樹萱藥餌媿過客貧
窮日夕盛顏當少歇鬢髮先老白親友四面
湮沒雖死悲貧苦即生劇長歎至天曉愁苦
代貧賤愁苦行

過

不關心一曲動情多欲知情厚薄更聽此聲

代

茶切

舊鄰里悽悽聲中情慊慊增下理一作語昔
有故悲論今無新喜清晨相訪慰日暮不能
已歡戚競尋緒談調何終止辭端竟未究忽
唱分途始前悲尚未弭後感方復起嘶聲盈
我口談言在君耳手迹可傳心願爾駕一作薦
行李

代悲哉行

羈人感淑景緣欲回轍我行詎樂時華實
驟舒結觀實情有悲瞻華意無悅覽物懷同
志如何復乖別翩翩翔禽羅關鳴鳥列翔

鳴尚疇偶所歎獨乖絕

代權歌行

羈客離嬰時飄飄無定所昔秋寓江介茲春
客河許往戢于後身願言求懷楚冷泠篠疏
潭豈豈鴈循渚颺戾長風振搖曳高帆舉驚
波無留連舟人不躊躇

代邽街行一本作

竚立出門衢遙望轉蓬飛蓬去舊根在連翩
逝不歸念我捨鄉俗親好义乖違慷慨懷長
想惆悵戀音微人生隨時變遷化焉可祈百

年難必果。千慮易盈虧。

代陳思王白馬篇

白馬駢角弓。鳴鞭乘北風。要途間邊急。雜虜入雲中。閉壁自往。夏清野徑還。冬僑裝多闕。絕旅服少裁。縫埋身守漢節。沉命對胡封。薄暮塞雲起。飛沙披遠松。含悲望兩都。楚歌登四墉。丈夫設計誤。懷恨逐邊戎。罷別中國愛。邀冀胡馬功。去來今何道。單賤生所鍾。但令塞上兒。知我獨為雄。

代陳思王京洛篇

鳳樓十二重。四戶八綺窓。繡栊金蓮花。桂柱玉盤龍。珠簾無隔露。羅幌不勝風。寶帳三千所。為爾一朝容。揚芬紫煙上。垂綵綠雲中。春吹回白日。霜歌落塞鴻。但懼秋塵越。盛愛逐衰蓬。坐視青苔滿。卧對錦筵空。琴瑟縱橫散。舞衣不復縫。古來共歇薄。君意豈獨濃。唯見雙黃鵠。千里一相從。

代陸平原君子有所思行

西出登雀臺。東下望雲闕。層閣肅天居。馳道直如髮。繡甍結飛霞。璇題納行月。築山擬蓬

壺穿池類溟渤。選色遍齊岱。微聲匝。邛越陳。
鍾陪夕。讌笙歌。待明發。年貌不可還。身意會。
盈歇。蟻壤漏山阿。絲淚毀金骨。器惡含滿歌。
物忌厚生。浸智哉。衆多士。服理辨昭昧。

代白紵曲二首

朱脣動。素袖舉。洛陽少童

一作邯鄲女

古稱

綠水。今白紵。催絃急。管為君舞。窮秋九月。荷

葉黃。北風驅鴈天。雨霜夜長。酒多樂未央。

春風澹蕩。俠思多。天色淨。綠氣研。和含桃紅。

萼蘭紫牙。朝日灼燦。發園華。卷幌結帷。羅玉。

筵齊謳。秦吹盧女絃。千金顧笑買芳年。

代白紵舞歌詞四首

奉始興王神作并啓

侍郎臣鮑照啓。被教作白紵舞歌詞。謹竭庸

陋。裁為四曲。附啓上呈。識方泐悴。思塗猥局。

言既無雅聲。未能文。不足以宣贊聖旨。抽拔

妙實。謹遣簡餘。慙隨悚盈。謹啓。

詞

吳刀楚製為佩褱。織羅霧縠垂羽衣。含商咀

徵歌。露晞珠履。颯沓紈袖飛。淒風夏起。素雲

回車。怠馬煩客。忘歸蘭膏明燭。承夜暉。

桂宮栢寢擬天居。朱爵文窓韜碧疏。象牀瑤
席鎮犀渠。雕屏合匝組帷帳一作舒。秦箏趙瑟
挾笙竽。珎璫散佩盈玉除。停觴不御欲誰湏。
三星差池露露濕。絃悲管清月將入。寒光蕭
條候蟲急。荆王流歎楚妃泣。紅顏難長時易
戢。凝華結綵久延立。非君之故豈妄集。
池中赤鯉庖所捐。琴高乘去飛上天。命逢福
世丁溢恩。簪金藉綺昇曲筵。恩厚德深委如
山。潔誠洗志期暮年。烏白馬角寧足言。

鮑氏集卷第三

鮑氏集卷第四

擬古八首

擬青青陵上栢

學劉公幹體五首

擬阮公夜中不能寐

學陶彭澤體奉和王義典

紹古辭七首

幽蘭五首

學古一作北風雪

擬古八首



魯客事楚王。懷金襲丹素。既荷主人恩。又蒙
令尹顧。日宴罷朝歸。與馬塞衢路。宗黨生光
輝。賓僕遠傾慕。富貴人所欲。道得亦何懼。南
國有儒生。迷方獨淪誤。伐木清江湄。設罝守
龜兔。

十五諷詩書。篇翰靡不通。弱冠參多士。飛步

游秦宮。

一作紫宮

側觀君子論。預見古人風。兩說

窮舌端。五車摧筆鋒。羞當白璧貺。恥受聊城

功。晚節從世務。乘障遠和戎。解佩襲犀渠。卷

袞奉盧弓。始願力不及。安知今所終。

韃

幽并重騎射。少年好馳逐。檀帶佩雙韃。象弧
插彫服。獸肥春草短。飛鞚越平陸。朝遊鴈門
上。暮還樓煩宿。石梁有餘勁。驚雀無全目。漢
虜方未和。邊城屢翻覆。留我一白羽。將以分
符竹。

衰反

鑿井北陵隈。百丈不及泉。生事本瀾漫。何用
獨精堅。幼壯重寸陰。衰暮及輕年。放駕息朝
歌。提爵止中山。日夕登城隅。周迴視洛川。街
衢積凍草。城郭宿寒煙。繁華悉何在。宮闕久
崩填。空謗齊景非。徒稱夷叔賢。

伊昔不治業。倦遊觀五都。海岱饒壯士。蒙泗
多宿儒。結髮起躍馬。垂白對講書。呼我升上
席。陳觶發瓢壺。管仲死已久。墓在西北隅。後
面崔嵬者。亘公舊冢廬。君來誠既晚。不覩崇
明初玉。琬徒見傳支友。義漸踈。
束薪幽篁裏。刈黍寒澗陰。朔風傷我肌。號鳥
驚我心。歲暮井賦訖。程課相追尋。田租送函
谷。獸藁輸上林。河渭水未開。關隴雪正深。答
擊官有罰。呵辱吏見侵。不謂乘軒意。仗櫪還
至今。

河畔草未黃。胡鴈已矯翼。秋蚤扶戶吟。寒婦
成夜織。去歲征人還。流傳舊相識。聞君上隴
時。東望久歎息。宿昔改衣帶。朝旦異容色。念
此憂如何。夜長愁更多。明鏡塵匣中。寶琴生
網羅。

蜀漢多奇山。仰望與雲平。陰崖積夏雪。陽谷
散秋榮。朝朝見雲歸。夜夜聞猿鳴。憂人本自
悲。孤客易傷情。臨堂設樽酒。留酌思平生。石
以堅為性。君勿慙。一作素誠

擬青青陵上栢

涓涓亂江泉綿綿橫海煙浮生旅昭世空事
歎華年書翰幸閑暇我酌子縈絃飛鏹出荆
路驚服入秦川渭濱富皇居鱗館匝河山輿
童唱秉椒權女歌采蓮乎愉鸞閣上窈窕鳳
楹前娛生信非謬安用求多賢

學劉公幹體五首

欲官乏王事結主遠恩私為身不為名散書
徒滿帷連冰上冬月披雪拾園葵聖靈燭區
外小臣良見遺

曠曠寒野霧蒼蒼陰山栢樹迴霧縈集山寒

野風急歲物盡淪傷孤貞為誰立賴樹自能
貞不計迹幽澁

胡風吹朔雪千里渡龍山集君瑤臺上飛舞
兩楹前茲晨自為美當避艷陽天艷陽桃李
節皎潔不成妍

荷生淥泉中碧葉齊如規迴風蕩流霧珠水
逐條垂彪炳此金塘藻耀君王池不愁世賞
絕但畏盛明移

白日正中時天下共明光北園有細草當晝
正含霜乖榮頓如此何用獨芬芳抽琴為爾

歌絃斷不成章

擬阮公夜中不能寐

漏分不能卧酌酒亂繁憂惠氣憑夜清素景
綠隙流鳴鶴時一聞千里絕無倚佇立為誰
久寂寞空自愁

學陶彭澤體奉和王義典

樽

長憂非生意短願不須多但使鑄酒滿朋舊
數相過秋風七八月清露潤綺羅提琴當戶
坐歎息望天河保此無傾動寧復滯風波

紹古辭七首

橘生湘水側菲陋人莫傳逢君金華宴得在
玉几前三川窮名利京洛富妖妍恩榮難久
恃隆寵易衰偏觀席妾悽愴覩翰君泫然徒
抱忠孝志猶為對菲遷

昔與君別時鬢妾初獻絲何言年月駸寒衣
已擣治絲繡多廢亂篇帛久塵緇離心壯為
劇飛念如懸旗石席我不爽德音君勿欺
瑟瑟涼海風竦竦寒山木紛紛羈思盈慊慊
夜弦促訪言山海路千里歌別鶴絃絕空谷
嗟形音誰賞錄辛苦異人狀美貌改如玉徒

畜巧言鳥不解心款曲

孤鴻散江嶼連翩遵渚飛含嘶衡挂浦馳顧
河朔畿攢攢勁秋木昭昭淨冬暉窓前滌歡
爵帳裏縫舞衣芳歲猶自可日夜望君歸
憑楹翫夜月迥眺出谷雲還山路已遠往海
不及鄰徘徊清淮汭顧慕廣江濱物情乖喜
歇守操古難聞三越豐少姿容態傾動君
開黛靚容朝一作顏臨鏡訪遙塗君子事河源
彌祀闕還書春風掃地起飛塵生綺䟽文桂
為誰設羅帳空卷舒不怨身孤寂但念星隱

群

隅

暖歲節物早萬萌迎春達春風夜媿娟春霧
明菴藹軟蘭葉可采柔桑條易捋怨咽對風
景悶瞽守閨闈天傳愁民命含生但契闊憂
來無行伍歷亂如覃葛

幽蘭五首

傾輝引暮色孤景留恩顏梅歇春欲罷期渡
往不還

簾委蘭蕙露帳含桃李風攬帶昔何道坐令
芳節終

結佩徒分明。抱渠輒乖忤。華落知不終。空愁坐相誤。

眇眇蛸掛網。漠漠蠶弄絲。空慙不自信。怯與君劃期。

陳國鄭東門。古今共所知。長袖暫徘徊。駟馬停路岐。

學古風雪一作北

北風十二月。雪下如亂巾。實是愁苦節。惆悵憶別一作情親會得兩少妾。同是洛陽人。嫖絲

好眉目。閑麗美腰身。凝膚皎若雪。明淨色如

神驕愛生盼。矚聲媚起朱唇。衿服雜緹績。首

飾亂瓊珍。調絃俱起舞。為我唱梁塵。人生貴

得意。懷願待君申。幸慎嚴冬暮。幽夜方未晨。

齊衾久兩說。角枕已雙陳。願君早休息。留歌

待三春。



鮑氏集卷第五



潯陽還都道中

還都道中三首

還都口號

還都至三山望石頭城

過銅山掘黃精

日落望江贈荀丞

行樂至城東橋

荅客

白雲

和王丞

秋夜二首

觀圃人藝植

詠採桑

詠雙鸞二首

發後渚

數詩

建除

從過舊宮

從拜陵登京岵

臨川王服竟還田里

潯陽還都道中

昨夜宿南陵今旦入蘆洲客行惜日月崩波

不可留侵星赴早路畢景遂逐前傳鱗交雲

起獵獵晚風適騰沙鬱黃霧翻浪揚白鷗登

艫眺淮甸掩泣望荆流絕目盡平原時見遠

煙浮條忽坐還合俄思甚兼秋未嘗違戶庭

安能千里遊誰令乏古節貽此越鄉憂

還都道中三首

悅懌遂還心踊躍會至勤鳴鷄戒征路暮息

落日分急流騰飛沫回風起江濱孤獸啼夜
侶離鴻噪霜群物哀心交橫聲切思紛紜歎
慨訴同旅美人無相聞

水

風急訊灣浦裝高偃檣舳夕聽江上波遠極
千里目寒律驚窮蹊爽氣起喬木隱隱日沒
岫瑟瑟風發谷鳥還暮林誼潮上水結狀夜
分霜下淒悲端出遙陸愁來攢人懷羈心苦
獨宿

寓

又宦迷遠川川廣每多懼薄止問邊亭關歷
險程路霍雲冥寓高岫蒙昧江上霧時涼賴爭

樹

吹流洄浪奔趣一作測焉增愁起搔首東南
顧茫然荒野中舉目皆凜素回風揚江泌寒
棲動樹太息終晨漏企我歸颺遇

還都口號

分壤蕃帝華列正藹皇宮禮讌及年暇朝奏
因歲通維舟歇金景結棹俟昌風鉦歌首寒
物歸吹踐開冬陰沉煙塞合蕭瑟涼海空馳
霜急歸節幽雲慘天容旌鼓貫玄塗羽鷁被
長江君王遲京國遊子思鄉邦恩世共渝洽
身願兩板逢免哉河濟客勤爾尺波功

還都至三山望石頭城

泉源安首流川末澄遠波晨光被水族曉氣
歇林阿兩江皎平迥三山鬱駢羅南帆望越
嶠北榜指齊河關扃繞天邑襟帶抱尊華長
城非壑嶮峻似荆芽攢樓貫白日摘堞隱
丹霞征夫喜觀國遊子遲見家流連入京引
躑躅望鄉歌彌前歎景促逾近勸路多借萃
猶如茲弘易將謂何

過
遇銅山掘黃精

土昉閔中經水芝韜內策寶餌緩童年命藥
駐衰曆矧蓄終古情重拾煙霧迹羊角樓斷
雲榼口流隘石銅溪瀉晝森乳竇夜涓滴既
類風門磴後象天井壁蹠蹠寒葉離漾漾秋
水積松色隨野深月露依草白空守江海思
豈愧梁鄭客得仁古無怨順道今何惜

日落望江贈荀丞

旅人乏愉樂薄暮增思深日落嶺雲歸延頸
望江陰亂流漾大壑長霧匝高林林際無窮
極雲邊不可尋惟見獨飛鳥千里一揚音推
其感物情則知遊子心君居帝京內高會日

揮金豈念慕群客咨嗟戀景沉

行樂至城東橋

鷄鳴關吏起伐鼓早通晨嚴車臨迥陌延瞰
歷城闈蔓草綠高隅修楊夾廣津迅風首旦
發平路塞飛塵擾擾遊宦子營營市井人懷
金近從利撫劍遠辭親爭先萬里塗各事百
年身開芳及稚節含綵吝驚春尊賢永照灼
孤賤長隱淪容華坐銷歇端爲誰苦辛

答客

幽居屬有念含意未連詞會客從外來問君

何所思澄神自惆悵嘿慮久迴疑謂賓少安
席方爲子陳之我以葦門士負學謝前基愛
賞好偏越放縱少矜持專求遂性樂不計緝
名期歡至獨斟酒憂來輒賦詩聲交一作稍
希歇此意更堅滋浮生急馳電物道險絃絲
深憂寡情謬進伏兩睽時願賜卜身要得免
後賢嗤

白雲

探靈喜解骨測化善騰天情高不戀俗馱世
樂尋仙鍊金宿明館屑玉止瑤淵鳳歌出林

闕龍駕渡蓬山凌崖采三露攀鴻戲五煙昭
昭景臨霞湯湯風媚泉命娥雙月際要媛兩
星間飛虹眺卷河汎霧弄輕絃笛聲謝廣賓
神道不復傳一逐白雲去千齡猶未旋

和王丞

限生歸有窮長意

一作憶

無已年秋心日迥絕

春思坐連綿銜協曠舌願斟酌高代賢迹
迹俱浮海採藥共還山夜聽橫石波朝望宿巖
煙明澗子公越飛蘿子縈牽性好必齊遂迹
幽非妄傳滅志身世表藏名琴酒間

予

古

秋夜二首

夜久膏既竭啓明旦未央環情倦始復空閨

一作閣

起晨裝幸承天光轉曲景入幽堂徘徊

集通隙宛轉燭迴梁帷風自卷舒簾露視成
行歲役急窮晏生慮備温涼絲紈夙染濯綿
綿夜裁張冬雪旦夕至公子乏衣裳華心愛
零落非直惜容光願君翦衆念且共覆前觴
遁跡避紛喧賀農棲寂寞荒徑馳野鼠空庭
聚山雀既遠人世歡還賴泉卉樂折柳樊場
圃負綆汲潭壑霽旦見雲峯風夜聞海鶴江

介早寒來白露先秋落麻壟方結葉瓜田已
掃籜傾揮忽西下迴景思華幕攀蘿席中軒
臨觴不能酌終古自多恨幽悲共淪樂

觀圃人藝植

善賈笑蠶漁巧宦賤農牧遠養遍關市深利
窮海陸乘輶實金羈當鑪信珠服居無逸身
伎安得坐梁肉徒承屬生幸政緩吏平睦春
畦及耘藝秋場早芟築澤閱既繁高山營又
登熟抱插壟上食結茅野中宿空織已尚淳
寧知俗翻覆

識

詠採桑

季春梅始落工女事蠶作

一本下有明鏡淨
分桂光頰畢茗萼

采桑淇洧間還戲上宮閣早蒲時結陰晚
篁初解籜藹藹霧灑閨融融景盈幕乳鷺逐
草蟲巢蜂拾花藥是節最暄妍佳服又新爍
綿歎對迥塗揚歌弄場藿抽琴試杼思薦珮
杲成託承君郢中美服義久心諾衛風古愉
艷鄭俗舊浮薄靈願悲渡湘宓賦笑湮洛盛
明難重來淵意為誰涸君其且調絃桂酒妾
行酌

賦

詠雙鷺二首

雙鷺戲雲崖。羽翰始差池。出入南閨裏。經過北堂墀。意欲巢君幕。層楹不可窺。沉吟芳歲晚。徘徊韶景移。悲歌辭舊愛。銜淚覓新知。可憐雲中燕。旦去暮來歸。自知羽翅弱。不與鵠爭飛。寄聲謝飛鵠。往事子毛衣。瑣心誠負薄。巨斧節榮衰。陰山饒苦霧。危節多勁威。豈但避霜雪。當復一作做野人機。

發後渚

江上氣早寒。仲秋始霜雪。從軍乏衣糧。方冬

與家別。蕭條背鄉心。悽愴清渚發。涼埃晦平臯。飛潮隱脩樾。孤光獨徘徊。空煙視昇滅。塗隨前峯遠。意逐後雲結。華志公馳年。韶顏慘驚節。推琴三起歎。聲爲君斷絕。

數詩

一身仕關西。家族滿山東。二年從車駕。齋祭甘泉宮。三朝國慶畢。休沐還舊邦。四牡輝長路。輕蓋若飛鴻。五侯相餞送。高會集新豐。六樂陳廣坐。祖帳揚春風。七盤起長袖。庭下列歌鍾。八珍盈雕俎。綺肴紛錯重。九族共瞻遲。

賓友仰徽容十載學無就善宦一朝通

建除

建旗出燉煌西討屬國羗除去徒與騎戰車
羅萬箱滿山又填谷投鞍合營墻平原亘千
里旗鼓轉相望定舍後未休後驛勅前裝執
戟無暫傾彎弧不解張破滅西零國生虜邛
支王危亂悉平蕩萬里置關梁成軍入玉門
士女獻壺漿收功在一時歷世荷餘先開壤
襲朱紱左右佩金章閉帷草太玄茲事殆愚

從過舊宮

肅裝屬雲旅奉勅承末塗嚴恭履桑梓加敬
覽粉榆靈命蘊川瀆帝寶伏篇圖虎變由石
細龍翔自鼎湖功冠生民始道妙神器初宮
陛留前一作皆制歌思溢今衢餘祥見雲物遺
像存陶漁泉流信清泌原野實甘荼豈伊愛
艷部天險兼上腴東秦邦北門非親誰克居
仁聲日月懋惠澤雲雨敷盧令美何歇唐風
久不渝微臣逢世慶征賦備人徒空費行葦
德採東謝生芻

細湖

昔

東

舍

從拜陵登京峴

孟冬十月交，殺盛陰欲終。風烈無勁草，寒甚
有凋松。軍井冰晝結，士馬羶夜重。晨登峴山
首，霜雪凝未通。息鞍循隴上，支劔望雲峯。表
裏觀地嶮，昇降究天容。東嶽覆如礪，瀛海安
足窮。傷哉良永矣，馳光不再中。衰賤謝遠願，
疲老還舊邦。深德竟何報，徒令田陌空。

臨川王服竟還田里

送佳禮有終事，居慙懦薄稅。駕罷朝衣歸，志
願巢壑尋思。歎無報，退命愧天爵。捨耨將十

往

齡還得守場藿，道經盈竹筍。農書滿塵閣，愴
愴秋風生。戚戚寒緯作，豐霧粲草華。高月麗
雲嶠，屏跡勤躬稼。衰疾倚芝藥，顧此謝人群。
豈直止商洛。

卷數空一行馮

鮑氏集卷第五



鮑氏集卷第六



行京口至竹里

登翻車峴

冬日

詠史

從庾中郎遊園山石室

自礪山東望震澤

登雲陽九里埭

與伍侍郎別

吳興黃浦亭庾中郎別

送別王宣城

送從弟道秀別

贈傅都曹別

和傅傳農與僚故別

送盛侍郎餞候亭

與荀中書別

喜雨

奉勅作

詠蕭史

贈故人馬子喬六首

採菱歌七首

山行見孤桐

行京口至竹里

高柯危且竦，鋒石橫復仄。
複澗隱松聲，重崖伏雲色。
冰閉寒方壯，風動鳥傾翼。
斯志逢凋嚴，孤遊值曛逼。
兼塗無憇鞍，半菽不遑食。
君子樹令名，細人効命力。
不見長河水，清濁俱不息。

登翻車峴

高山絕雲霓，深谷斷無光。
晝夜淪霧雨，冬夏結寒霜。
淖坂既馬嶺，磧路又羊腸。
畏塗疑旅

知新

人忌轍覆行箱昇岑望原陸四眺極川梁遊
子思故居離客遲新鄉新知有客慰追故遊
子傷

冬日

嚴雲亂山起白日欲還次曛霧蔽窮天夕陰
晦寒地煙霾有氛氲精光無明異風急野田
空饑禽稍相棄含生共通閉懷賢敦為利天
規苟平圓寧得已偏媚寫海有歸潮衰容不
還稚君今且安歌無念老方至

詠忠作史

孰

五都矜財雄三川養聲利百金不市死明經
有高位京城十二衢飛薨各鱗次仕子影華
纓游客竦輕轡明星晨未稀軒蓋已雲至賓
御紛馳沓鞍馬光照地寒暑在一時繁華及
春媚君平獨寂寞身世兩相棄

從庾中郎遊園山石室

荒塗趣山楹崖隱靈虛一作室崗澗紛紫抱

林障沓重密昏昏磴路深活活梁水疾幽隅
秉晝燭地牖窺朝日怪石似龍章瑕璧麗錦
質洞庭安可窮漏井終不溢沉空絕景聲崩

慄

危坐驚慄神化豈有方妙象竟無述至哉鍊
玉人處此長自畢

自礪山東望震澤

瀾漫潭洞波合沓嶸嶂雲漲島遠不測崗澗
近難分幽篁愁暮見思鳥傷夕聞以此藉沉
痾棲迹別人群結言非盡書有念豈敷文

登雲陽九里埭一作塚

宿心不復歸流年抱衰疾既成雲雨人悲緒
終不一徒憶江南聲空錄齊后瑟方絕縈絃

思豈見繞梁日

與伍侍郎別

民生如野鹿知愛不知命飲斃具攢聚翹陸
歛驚迸傷我慕類心感爾食苹性漫漫鄔郢
塗渺渺淮海逕子無金石質吾有犬馬病憂
樂安可言離會孰能定欽哉慎所宜砥德乃
為盛貧游不可忘久交念敦敬

吳興黃浦亭庾中郎別

風起洲渚寒雲上日無輝連山眇煙霧長波
迫難依旅鴈方南過浮客未西歸已經江海
別復與親眷違奔景易有窮離袖安可揮懽

觴爲悲酌歌服成泣衣温念終不渝藻志遠
存追役人多牽滯顧路慙奮飛昧心附遠翰
烟言藏佩章

送別王宣城

發郢流楚思涉淇興衛情既逢青春獻復值
白蘋生廣望周千里江郊藹微明簾爵自惆
悵歌管爲誰清頽陰騰前藻淮陽流者聲樹
道慕高華屬路佇深馨

送從弟道秀別

參差生密念躑躅行思疑疑一作悲思戀光景

密念盈彌

一作

歲時歲時多阻折光景乏安怡

以此苦風情日夜驚懸旗登山臨朝日揚袂
別所思浸淫旦潮廣瀾漫宿雲滋天陰懼先
發路遠常早辭篇詩後相憶杯酒今無持游
子苦行役冀會非遠期

贈傅都曹別

輕鴻戲江潭孤鴈集洲止邂逅兩相親緣念
共無已風雨好東西一隔頓萬里追憶栖宿
時聲容滿心耳日落川渚寒愁雲繞天起短
翻不能翔徘徊煙霧裏

和傅大農與僚故別

絕節無緩響，傷鴈有哀音。非同年歲意，誰共
別離心。伊昔謬通塗，冠屨預人林。浮江望南
嶽，登潮窺海陰。孰謂游居淺，慕美久相深。萋
萋春草秀，嚶嚶喜候禽。辰物盡明茂，尊盛獨
幽沉。之子安所適，我方栖舊岑。墜歡豈更接，
明愛邈難尋。

送盛侍郎餞候亭

霑霜襲冠帶，驅駕越城闔。北臨出塞道，南望
入鄉津。高墉宿寒霧，平野起秋塵。君爲坐堂

子我乃負羈人，欣悲豈等志。甘苦誠異身，結
涕園中草。惟悴悲此春。

與荀中書別

勞舟厭長浪，疲旆倦行風。連翩感孤志，契闊
傷賤躬。親交篤離愛，眷戀置酒終。敷文勉征
念，罷落慰愁容。思君奇涉洧，撫已謠渡江。慙
無黃鶴翅，安得久相從。願遂宿知意，不使舊
山空。

喜雨

奉勅作

營社達群陰，屯雲揜積陽。河井起龍蒸，日魄

敏遊光族雲飛泉室震風沉羽鄉升霧挾地
維傾潤瀉天潢平灑周海嶽曲潦溢川莊驚
雷鳴桂渚迴滄流王堂珍木抽翠條炎卉濯
朱芳關市欣九賦京廩開萬箱無謝堯爲君
何用知栢篁

詠蕭史

蕭史愛少年羸女老童顏火粒願排棄霞霧
好登攀龍飛送天路鳳起出秦關身去長不
返簫聲時往還

贈故人馬子喬六首

躑躅城上羊攀隅食玄草俱共日月輝昏明
獨何早夕風飄野籜飛塵被長道親愛難重
見懷憂坐空老

空灰滅更燃夕華晨更鮮春冰雖暫解冬水
復還堅佳人捨我去賞愛長絕絃歡至不留
日感物輒傷年

松生隴坂上百尺下無枝東南望河尾西北
隱崑崖野風振山籟朋鳥夜驚離悲涼貫年
節葱翠恒若斯安得草木心不怨寒暑移

種橘南池上種杏北池中池北旣少露池南

又多風早寒逼晚歲衰恨滿秋容湘濱有靈
鳥其字曰鳴鴻一挹繒繳痛長別遠無雙
皎如川上鵠赫似握中丹宿心誰不欺明白
古所難憑楹觀皓露灑酒盪憂顏永念平生
意窮光不忍還淹流徒攀桂延佇空結蘭
雙劍將離別先在匣中鳴煙雨交將夕從此
忽分形雌沉吳江裏雄飛入楚城吳江深無
底楚闕有崇高一為天地別豈直限幽明神
物終不隔千祀儻還并

採菱歌七首

驚舸馳桂浦息棹偃椒潭簫弄澄湘北菱歌
清漢南

弭榜塞蕙萸停唱紉薰石含傷拾泉花縈念
採雲萼

睽闊逢暄新悽怨值妍華秋心不可盪春思
亂如麻

要艷雙嶼裏望美兩洲間裏裏風出浦容容
日向山

煙曠越障深箭迅楚江急空抱琴中悲徒望
近關泣

緘歎凌珠淵收慨上金堤春芳行歇落是人
方未齊
思今懷近憶望古懷遠識懷古復懷今長懷
終無極

山行見孤桐

桐生藪石裏根孤地寒陰上倚崩峯勢下帶
洞阿深奔泉冬激射霧雨夏霖淫未霜葉已
蕭不風條自吟昏明積苦思晝夜叫哀禽葉
妾望掩淚逐臣對撫心雖以慰單危悲涼不
可任幸願見雕斲為君堂上琴

斲

卷數隔詩一行

鮑氏集卷第六



第	三	冊
三	十	三
第	三	冊
第	三	冊
第	三	冊

